



# ЛЕНИНЭНЬ КИЯВА

1941 ие  
ИЮНЕНЬ  
15-це чи  
66 (1362) №

ЛИСИ: 11-це ие,  
12 № ковс

ВЛКСМ-нь Мордовской обкомонтъ ды Саранск ошонь комитетэнтъ газетаст

## ПЕРВИЧНОЙ Организациятненень Эрва чинь Лескс

Сень эйстэ, кода ВЛКСМ-нь горкомте, райкомте руководят первичной комсомольской организациятненень эйсэ, —ламодо зависит весе комсомольской роботанть успехезэ. Тосо, косо райкомте ды горкомте макснить первичной организациятненень эрва чинь практической лескс, тосо комсомолецтнэ активна участвуют производствань, колхозонь весе эрмосонть, государственной ды хозяйственной роботасонть, бороцить трудонь производительностень кепедеманзо кис, хозяйственной од успехтвенень кис.

Ды, мекевлань, косо комсомольской роботниктне «руководят» формально-бюрократически, решениянь сёрмалезь ды директивань кучнезь, тосо ВЛКСМ-нь первичной организациятне роботыть лавшосто.


Истя, примерке, ашти тевесь Ельни-ковской районсо. Райкомонь бюросо вестькак арасель толковазь вопрос колхозонь, школань, учреждениянь комсомольской организациятненень роботадо. Бюрось ды райкомонь секретаресь Журавлев ялгась эсест тевекс ловить анык комсомолс примамо до комсомолсто панемадо вопроствань толковамонть. Райкомонь роботниктне сезевсть первичной организациятненень ды активенть эйстэ, чуросто эрсить комсомолецтнэнь ютксо, секс а содасызь, кода ашти тевесь ВЛКСМ-нь первичной организациятненесэ. Тень кувалт 13 организация меельсь 3—4 ковтнень перть беряньстэ роботыть, вете организациясо (вейкес сынст эйстэ тоско, Ельниксэ, ВЛКСМ-нь райкомонтъ вакссо) арасть секретарты-как.

Анык первичной организациятненень эйсэ берянь руководствасонть толкова-ви се фактосык, што Ельниковской районсо весе комсомолецтнэнь эйстэ анык 40 ломань роботасть паксясо тунда видема шкастонть. «Память коммунаров» колхозонь 7 комсомолецтнэнь эйстэ тунда видемстэ паксясо эзь робота вейкек. Колхозной производствасо роботыня ламо комсомолецт а невтнить трудонь образецт, роботыть аволь союзной од ломатнеде беряньстэ.

Первичной комсомольской организациятненень эйсэ руководствась беряньстэ аравтозь кой-кона лия районтнесяк.

Райкомтненень, горкомтненень эряви чиде-чис, конкретна руководить первичной организациятненень эйсэ, макснемс тест эрвикс лескс. Мездема роботань планонь теemasонть, политической тонавтнемань организовамосонть, комсомольской хозяйствань парсте аравто-масонть, практической вопроствань решамосонть. Тонавтомс первичной организациянь секретартненень комсомольской собраниянь ютавтомо. Добовамс сень, штобу комсомолецтнэ примакшновольть активной участия эсь организациянь весе роботасонзо, кепедемс сынст активностест.

Анык тень пингстэ ВЛКСМ-нь первичной организациятне честь марто топавтсызь икелест аштия задачатненень, анык тень пингстэ сын кармить вадрясто роботамо, комсомолецтнэ жо кармить улеме од ломатнень алкуксонь вожакокс, организаторокс ды воспитателекс.



Вадрясто аравтозь трудочитненень ловомась Рузаевской райононь «Кзыл юлдус» колхозсонть.

СНИМКАСОНТЬ: (керш ёндо витев) колхозонь старшей учетчикесь комсомольской организациянь секретаресь Исхак Мустафин ды 1-це бригадань учетчикесь Исмаил Шарипов.

Фотосъ П. Ивановонь.

## Течи ушодови профсоюзно-комсомольской крессось

### Васенде тарканть кис

Чийнемань коряс профсоюзно-комсомольской крессонть, кона ушодови течи, пек покш значениязо аволь анык комсомолецтнэнь ды од ломатнень физической развитиясонть, но сон истя жо налкси покш роль спортивной организациятненень перька од ломатнень седеяк пек кеместэ пурнамонь тевсэнь.

«Спартаконь» Мордовской советэсь ярьдья уш кармась анокстамоте крессонть. Эрва чистэ эрсильть трени-

ровкат. Кемекстазь судейской коллегия. Легкоатлетической короссонть эйсэ примить участия Мордовиянь промартельтнесэ вете сядо до аволь седе аламо ломань.

«Канат» промартельсэнь (Саранской район) физкультурной коллективесь ютавтсь пробной тренировка. 39 ломаньстэ 33 ломать топавтсь ГТО-нь 1-це ступенень норматнень.

С. Купер.

### Стартс лисить 450 ломань

Течи Кочкуровской районсо 450 комсомолецтнэ аволь союзной од ломань лисить профсоюзно-комсомольской крессонь стартс. Кода вадря ули кизэнь лембе коштанть чийнемс пересеченной таркава! Комсомолецтнэ ды од ломатне ливчакавтсысь эсь рунгост ды пурныть ламо од вий. Секс сын покш мельсэ анокстасть профсоюзно-комсомольской крессонть. Вана саемс Молотов лемсэ колхозонь комсомольской организациянь. Тосо сеске, кодак анык

толковизь ВЛКСМ-нь ЦК-нть ды ВЦСПС-нть постановленияст профсоюзно-комсомольской крессонть ютавтомадо, комсомолецтнэ кармась ютавтнемс тренировка. Тешкстасть дистанцият. Весемезэ ютавтсь 3 тренировка.

Аволь беряньстэ ашти тевесь крессонть анокстамонть марто пенько-заводсо. 15 комсомолецтнэ ды профсоюзонь член ютавтнесь тренировка.

И. Сурков.

### Кармить чиеме пересеченной таркава

Телефон вельде июнень 13-це чистэ пачтась тенец ВЛКСМ-нь Лямбирской райкомонь секретаресь Шемет ялгась седе, што профсоюзно-комсомольской крессонть эйсэ районсонть примить участия 550 комсомолецтнэ ды аволь од союзной ломань.

Июнень 13-це чинть самс трениро-

вочной минимумонть ютызь 450 ломань.

Теке жо шкантень сех ламо организациятнева анокстасельть дистанциятне.

Течи райононь комсомолецтнэ ды од ломатне организованнойстэ, дружнасто лисить крессонть, кармить чиеме пересеченной таркава.

### Сын—вадря чийницят

Саранской райононь 72 организациятнэ ды од ломатне эрва чистэ тейнить тренировка. Пек вадря результат невть Н. Цыганов ялгась. Вейке километр дистанциянь сов ютызе 3 минутас 15 секундас. Зина Кедрова 500 метратнень чийнзе 1 минутас 43 секундас.

«17 лет Октября» колхозонь комсо-

А. Богомолов.

## ТАСС-нть сообщениязо

СССР-сэ английской посолонть Криппс господинянь еще Лондонсо самодонзо икеле, сехте пек жо сонзэ самодо мейле, английской ды вообще иностранной печатьсэнь кармась пек виевстэ нолдтнемс кулят «СССР-нть ды Германиянь ютксо войнанть малав самодонзо». Неть кулятнень коряс: 1) Германиясь будто бу тейсь СССР-нтень территориальной ды экономической характерэнь претензият ды ней молить Германиянь ды СССР-нть ютксо переговоры сынст ютксо од, пек седе кеме соглашениянь теемадо; 2) СССР-сь будто бу эзинзе прима неть претензиятнень, мезеньтэ кувалма Германиясь кармась пурнамо СССР-нь границанть вакссо эсензэ войска СССР-нть лангс нападениянь цельсэнь; 3) Советской Союзось, эсь ёндонзо, кармась будто бу виевстэ анокстамо Германиянь каршо войнас ды пурнамо войска сонзэ границатнень вакссо.

Неть кулятнень допрок неявикс аволь видечист лангс апок вано, Московсо ответственной ломатне яла теке ловизь эрвиксэкс, неть кулятнень пек виевстэ нолдтнеманть кувалма, максомс ТАСС-нтень полномочия яволятомс, што неть кулятне аштить СССР-нтень ды Германиятнень враждебной вийтнень седе а ков беряньстэ страпаязь пропагандакс, кона вийтне бажить войнанть седе тов келейавтомантень ды виев-автомантень.

ТАСС-сь яволявтни, што: 1) Германиясь эзь яволявтни СССР-нтень кода-как претензият ды эзь корта кода-мож од, пек седе кеме соглашениядо, мезеньтэ кувалма переговортьняк тень коряс не могли улемс; 2) СССР-нть данноензэ коряс, Германиясь истя жо свал топавтй ненападениядо советско-германской пактонь условиятнень, кода Советской Союзоськак, мезеньтэ кувалма, советской кругтнень арсемаст коряс, пактонть коламонть ды СССР-нть лангс нападениянь теема-тень Германиянь бажамодонзо кулятнень арась кодамож почвасть, меельсь шкастонть жо Германиянь восточной ды северо-восточной районтнесэ германской войскактнень молия переброскась, конат олякстомть Балкантнесэ операциятнень эйстэ, сюлмавозь, эряви арсема, овси лия тевень коряс, конатнень арась касательстваст советско-германской отношениятненень; 3) СССР-сь, кода те лиси сонзэ мирной политика-стонзо, топавтсь ды арми топавтоме ненападениядо советско-германской пактонь условиятнень, мезеньтэ кувалма кулятне седе, што СССР-сь аноксты Германиянь каршо войнас, аштить аволь видекс ды провокационныкс; 4) Неень шкастонть Якстере Армиянь запаснойтнень ютавтнениця кизэнь сборо-ст ды икелепелень маневратнень целекс ашти аволь мезеяк лия, кода запаснойтнень тонавтомасть проверя-мось, конат, кода содазь, ютавтнени-вить эрва нестэ, мезеньтэ кувалма Якстере Армиянь неть мероприятия-нень невтнемс, прок враждебнойкс Германиятнень, седе а ков аволь виде.

### Кинь витнемань коряс субботник

Июнень 8-це чистэ Алова велень «25-й Октябрь» колхозсонть ульнесь ютавтозь субботник, конаньсэ примасть участия малав 120 ломань.

Колхозниктне ды колхозницатне, комсомолецтнэ ды од ломатне ударной-стэ роботазь ваяльть латко, витнесть кить. Атяшевской р-н.



## ВЛКСМ-нь Саранской горкомонь пленум

Июнь 13—14-це читнестэ ульнесь ВЛКСМ-нь Саранской горкомонь очередной пленум, конаньсэ примасть участия ошонь комсомольской организации секретарне.

Пленумось толковась истят вопрос: 1. Ошонь комсомольской организации пропагандань ды агитациянь состояниязонзо.

2. Эйкаштнень марто кизень шкань работадонть.

3. Организационной вопрос. Васенце вопросонь коряс июнь 13-це чистэ теиь доклад ВЛКСМ-нь Саранской горкомонь секретарес Потемкин ялгась. Докладтонь мейле прениясо кортасть 10 лomat. Пленумось примасть решения, конаньсэ теишкстазь агитационно-пропагандистской работасонть асатыктнень ды икелепелев сонзэ вадрягавтомань мероприятия.

Июнь 14-це чистэ кунсолозель ды толковазель Дорошкин ялганть докладозэ: эйкаштнень марто кизень шкань работадонть.

Организационной вопросонь толковомонть ды соответствующей решениань примамодо мейле пленумось эсь роботанзо прыдызе.

## Кода тонавтни комсомольской активесь

Кочкуровской райононь сех ламо комсомолецнень кеместэ роботыть «ВКП(б)-нь историйнень краткой курсонь» тонавнеманзо лангсо. ВЛКСМ-нь организацияне седе пек кармасть контролировамо, кода тонавтни комсомолецнень.

Парте тонавтни Пакся Тавлань комсомолецнень. Ванейкина ялгась роботыть «ВКП(б)-нь историйнень краткой курсонь» X-це главать лангсо, Миркулаева ялгась XI-це главать лангсо. Комсомолецнень аволь ансяк сысь тонавтни, истяжо ветить массово-разъяснительной работа колхозниктнень ютксо. Сынь добовизь сень, што колхозной клубось кармасть улема районсонть сехте вадряк, тосо парте аравтозь художественной самодеятельностесь, конань эйсь руководит комсомольской организациянь секретарес Зорькина ялгась.

Аволь беряньстэ роботыть партиянь историйнень тонавнемань коряс кружоктне «Якстере теште» ды «12 лет Октября» колхозтнесь. Тесэ весе комсомолецнень роботыть политической эсь уровеньест кепедеманть лангсо.

Но районсонть улить истяткак комсомольской организация, конатнесь ВЛКСМ-нь вейкек член а тонавтни. Райпотребсоюзсо (организациянь секретарес Герасимов ялгась) комсомолецнень овси а содасызь международной положенианть, газетат а ловношнить. Беряньстэ тонавтни «Серп и молот» колхозонь комсомолецнень (секретарес Батрашева ялгась).

Минек кой-кона активистнень оймасть Краткой курсонь II-це главать лангс, примеркс, В. Нефедов ялгась. Улить истяткак, конат эсь прят ловить ламонь содыцк. Физкультурань ды спортонь тевтнень коряс районной уполномоченносесь Бабакаев ялгась прят шныль, што сон «тонавтнизе» «ВКП(б)-нь историйнень краткой курсонь» весе 12 главатнень, алукс жо Бабакаев ялгась овси мезек а соды партиянь историйнень вопростнесь.

Ней ВЛКСМ-нь райкомсонть организоваз комсомольской активень курст. Активенть ютксо кой-кона ялгатне парте кармасть тонавнемань. Ансяк курстнесь якиятнень ютксо арась кеме дисциплина, комсомольской организациянь кой-кона секретарне ды мик бюронь члентнень а сакшнить лиясто занятия.

И. Сурков,

ВЛКСМ-нь Кочкуровской райкомонь секретарь.

## Овладеть марксистско-ленинской теориясонть

ВЛКСМ-сь большевистской партиянь поселкасонть, Куриловасо ды ли я велесэ. Колмо сядодо ламо комсомолец тонавтни начальной политграмотань кружоктнесь.

Но зярый первичной организациява ды, васняк, Ромодановасо, ВЛКСМ-нь члентнень политической самообразования аравтозь беряньстэ. РОНО-нь, райздравотделень, почтань, спиртозаводонь комсомольской организациятнесь те шкас яла «тонавтни» Краткой курсонь 2-це ды 3-це главатнень. Райцентрнень комсомольской первичной организациянь секретарне ды комсомолецнень чуросто яксить лекциятнесь, докладтнесь ды теоретической конференциятнесь, конатнень ютавтни партиянь райкомсо пропагандань ды агитациянь отделесь. Райфонь, райсберкасань ды госбанкнень комсомолецнень а яксекшнить ялгань собеседованиятнесь, конатнень ютавтни первичной партийной организациятнень.

Чарьковдеви, што икелепелев а кода корс кирдемс истямо положенианть. Комсомолецнень эрви эстетс кундамс политической тонавнемантень, штобу а улемс невеждакс.

В. Ананьин.



СНИМКАСОНТЬ: Ардатовской райононть пельде велень хозяйствань Всесоюзной выставкань участниктне (керш ёндо витев) П. П. Козлов, С. С. Поженин, Г. И. Рямаев ды С. Г. Батяев ялгатне. Фотось Касперянь.

## Критика ды библиография

### „Сятконь“ 5-це номерэсь

«Сятко» журналонь 5-це номерсэнтэ сехте ламо тарка максозь фольклоронть ды сеть произведенийтнень, конат сёрмадозь устной народной творчества коряс. Нама, устной произведенийтне тожо художественной, но яла теке журналс печатамс эрви сех паро образцнень ды овси аволь истя ламо, кода «Сятконь» те номерсэнтэ.

Сайсынек, примеркс, Э. Пятаень «Салма ды пиштыка» ды «Кулома» ёвнематнень. Мезе сын максыть, кодамо сынст художественной ценностесь? Кода мери сонсь Пятай, ёвнематне сёрмадозь «Аверкинень пельде марязь шуткатнень коряс». Виштэ мезе, не тематне улить малав весе народтнень фольклорсо ды теде малав весе содыть. Кодак а чумондаск эсензэ Аверкинень, талантливой новеллистэнтэ, кона народонь мудростенть коряс максни истят жо мудройть ды парт новеллат. Но Аверкин аволь ансяк ёвтни, сон ламо максы эсензэ, лиякс меремс, сон писатель, фантазер.

Лиякс ашти теvesь Пятаень ёвнематне марто. Не кавто ёвнематнесь жо сон мезеяк эсензэ эзь максо. Пятай ансяк сёрмадызе сень, мезде ёвтни народось. Кодамоак, кода мерить, автор-

ской домysel ёвнематнесь арась. Те корты седе, што Пятай неть ёвнематнень сёрмадомсто эзь машто фольклоронть эйстэ паро ладсо лезень нееме, сон теvesь берянь фотографкс.

Аверкин ялганть эрзянь литературанть самось—те покш лезэ минек литературанть. И. Аверкин—талантливой юморист. Сонзэ ёвнематнесь парте неяви се, што сон вишка новеллань а берянь мастер, парте содасы Октябрьской революциядо икелень эрямонть. Пек парт «Цёра ды тейтерь», «Ки лангсо», «Истя вана ульнесь» новеллатне. Сынт эйстэ парте неяви народонть докачизэ ды превезэ ды Аверкинень талантозо.

Минек койсэ аволь овси удачнойть «Кода пакшанть раздвезиь кисканть кедьстэ» ды «Пензав молемастэ» новеллатне. Васенце произведенийсэ овси аволь од, арась эйсэнь самостоятельность. Крепостной праванть пингстэ истят тевтне, мезде весе содыть, ульнесь аволь аламо. Омбоце новеллась, кода мерить, вецана, лавшо эйсэнь пейдемась лomatнень асатыктнень лангсо.

Аволь аламо тарка максозь журналсонть украинской великой писателен-

## Сермацтсть весе

Секе чистэнтэ жо, кодакансяк лиссь правительстванть постановлениязо Колмоне Пятилеткань (нилице иень подавт) Заемонть подамодо, Шугуровань вельпонь весе работниктне сёрмацтеть вейке ковоень зарплатаст лангс. Паро пример сёрмацтомасонть невтсть П. Е. Асеев, Т. И. Исаев, М. Анашкин, конат ветить ней агитационной работа од заемонть успешноно реализовамонзо кис. Истя жо покш массово-разъяснительной работа те тевенть коряс ветить колхозниктнень ютксо агитатортне С. Улашкин, Ф. Тюркин, И. Железов ды А. Жуклина ялгатне.

А. Васильев.

Б.-Березниковской р-н.

## Заемонть покш успехезэ

Сайне велесэ покш успех марто моли Колмоне Пятилеткань (нилице иень подавт) Заемонть лангс сёрмацтомась. Сех икеле сёрмацтсь велень активесь. Вельсоветнень председателесь В. Маколкина сёрмацтсь 150 целковойс, ловнома кудонь заведующесесь Ярославкина ялгась—100 целковойс.

Истяжо а беряньстэ ютавтыть сёрмацтоманть начальная школань учительтне. Учительницась Асташкина ялгась сёрмацтсь 270 целковойс, школань заведующесесь Ярославкин П. В.—300 целковойс.

Н. Овчинников.

Дубенской р-н.

## Теить физкультурной площадка

Алова велень исполкомонь заседаниасо решазь колхозонь клубонть бокас теес физкультурной площадка. Те решениянть од лomatне вастызь покш паро мельсэ. Течи теить субботник те физкультурной площадканть строямонзо коряс. Улить теезь турник, кустемат ды лият.

Физкультурной площадканть строямс виренть максыть колхозтне.

Маласо шкастонть кармить теес физкультурной площадка средней школа бокас.

В. Начаркин.

Атяшевской р-н.

тень Франконень. Те а берянь. «Сятко» журналонть ловныцятне, паряк, васенце кармить содамо украинской писателденть ды украинской народонть счастьязоз кис пламенной борейтэнтэ.

Мазыистэ ды художественнасто невити маенть Ф. И. Беззубова «Маень тейтерес» стихотворениясонзо. Маень тейтерь—те май праздниксэ, конань минь седейшкава вастнано эрва ие вана истямокс:

Вай, пурнась-сэрнясь Маесь пиранзо:  
Жемчужной котат Маенть пильгсэнзэ,  
Пиже парсеень кота цюлканзо,  
Ожо парсеень цюлка карьксэнзэ,  
Вай, пижеть-ожот паянть арстонзо,  
Стамедной кушак Маенть перьканзо,  
Вай, грушат-цёккеть Маенть боксонзо,  
Барсовой фата Маенть кыргава,  
Чиньжарамо прят керямзюксо,  
Грушав поволевкст Маенть мештьсэнзэ,  
Вай, сиянь суркскеть Маенть сурсонзо.


Пек эрвикс эйкашонь литературадонть П. Кономанинень статьязо. Кономанин а беряньстэ теиь анализ сеть произведенийтнень, конат уш ульнесь печатазь. Сон невинзэ, кодат изнявст ды асатыктэ улить эрзянь эйкашонь литературасонть.

Аволь аламо вастневить журналсонть орфографической ильведевкет. Примеркс, «оште», «чопотень», ды лият.

Весе неть асатыктнэ, нама, алкагавтыть журналонть качестванзо.

А. Рогожин.





Рузаевской железнодорожной училищасонть куронок прядови тонавтнемань васенце иесь. Ламо тонавтницят-отличникть получить путевкату оймсема кудов.

СНИМКАТНЕСЭ: (керш ёндо витев) тонавтницятне-отличниктае В. Соломонов, Д. Фролов, (куншкосо) П. Ратников ды С. Еськин, (керш ёно крайсе) А. Лазарев.

Фотось П. Ивановь.

## Колхозной од ломатне— ФЗО-нь школав

Фабрично-заводской обучениань школасо тонавтницятне сёрмаить эсест велень, Шугуровань, од ломатненень сёрма. Сёрмасонть ёвтазель, што сынъ успешно прядызь школанть, получасть специальность ды тусть роботамо. Ней ламо од ломат сайеть мель тумес ФЗО-нь школав тонавтнемо.

«Комсомолец» колхозето туйть сех активной од ломатне Мишаков, Семенов, Бояркин, Миронов, «Вейсэ» колхозонь од стахановецтэ Н. П. Уланов ды Ф. Д. Пивкин.

В. Аношкин.

Б.-Березниковской р-н.

## Испытаниятне прядовсть

Чукало велень средней школасонть неть читнестэ прядозь зачетной испытаниятне (IV—IX-це класстнэсэ). 338 тонавтницятнень эйстэ испытаниятнень максызь 92,3 процент. Отличной отметкатнеде весемезэ—222, вадрытнеде 390, посредственнойтнеде—506 ды берятнеде—94. Немецкой келенть ды СССР-нь Конституциянт коряс испытаниятне максозь 100 проценте.

Н. Базайкин.

Ардатовской р-н.

## Отличница

Сисем иень перть Анна Трошина тонавтнесь анык отличнасто. Од Мурзань школань дирекциясь ламоксть сонзэ казекшвизе ярмаксо ды учебниксэ. Но сех вадры тонавтницякс Анна эсь прядозь невтнэ 7-це классонть прядомсто. Сестэ сон аволь анык отличнасто тонавтнесь, но и ветясь покш общественно-й робота. Пионервожатойкс улэзь, 4-це класстнэсэ вадрылгавтызе культурно-воспитательной роботанть. Покш леске максыль сеть ялгатненень, конат

кадовильть тонавтнемасонть.

Испытаниятненень анокстамо Анна кармась еще 4-це четвертень ушодомсто. Сехе самай испытаниятнень весе предметнэнь коряс максызе анык отличнасто.

Тонавтнема иенть прядовомсто школань дирекциясь сонзэ казизе похвальной грамотасо.

Дм. Митякин.

Кочкуровской р-н.

## Получасть похвальной грамотат

Тундонь проверочной испытаниятнестэ Шугуровань неполной средней школань тонавтницятне Арискина Настя, Аношкин Паша ды Дудникова Настя невтеть сэрэи знания. Иень перть сынъ тонавтнестэ анык отличнасто, испытаниятненькак весе предметнэнь коряс максызь успешно.

Аволь умок школань дирекциясь неть тонавтницятненень максыль похвальной

грамотат.

—Похвальной грамотанть получаць, —мерсь сестэ Аношкин Паша,—мон алтан икелепелев тонавтнемо седеяк вадрысто ды примаме активной участия школань общественной роботасонть.

Кизна неть тонавтницятне улить кучозь оймсе пионерской лагерев.

Ф. Пьянзин.

Б.-Березниковской р-н.

## Сюронь урядомо шкантень панжить яслят

Маень 20-це чис Алова велень колхозтне прядызь тунда видеманть. Ней со-кить колхозниктнень пире модаст. Кармасть витнемо уборочной машинатнень.

Штобу аволь уле робочей виень аса-тома сюронь урядомо шкасто, максови

возможность лисеме роботамо весе аватненень. Тень кис улить панжозь эйкакшонь яслят. Ней витнить помещениятнень, косо кармить уле яслятне.

В. Яковлев.

Атяшевской р-н.

## КАНИКУЛАТНЕСТЭ

Тонавтнема иенть прядомадо мейле Чукало велень средней школань дирекциясь тейсь каникулань ютавтомань план. Те планонть коряс ютавтомить физкультурной ды спортивной занятия (турниксэ упражнениянъ тейнема, футболсо ды волейболсо налксемэ), тейть экскурсият вилев, паксав ды колхозной производств, организовить газетань, журналонь коллективной ловномат, шашкасэ налксемат ды молить колхозной клубов радионь кунсолемо.

Культурно-воспитательной роботанть тонавтницятнень ютко кизнень шкасто кармить ветямо школань старшей пионервожатоеэ Зинаида Даниловна Зинина ды историянъ ды географиянъ учителесь Роман Семенович Шунчев.

Н. Базайкин.

Ардатовской р-н.

## Примерной класс

7-це «А» классосъ С.-Селищань неполной средней школасонть успеваемость коряс занясь васенце тарка. Испытаниятнестэ те классонь тонавтницятне зть получа вейкея берянь отметка. эб ломат получасть свидетелстват анык отличной отметка марто, 2 тонавтницянень максозь похвальной грамотат.

В. Урявин.

Б.-Игнатовской р-н.

## Месть эйкакштненень тейнемс кизна

Ушодовсть кизнень каникулатне. Школатненень эряви теоме весе, мезе эр-ви сень кис, штобу организованнойсэ ды парсте ютавоме эйкакштнень оймсемаст. Тедиде сынст оймсемась карми-улема сколмавозь сень марто, штобу максоме тест практической навикт, тонавтомс труде, трудонть вичкеме, самостоятельность. Тень кис эряви организоваме робота школанть ды школань кардазонть, физкультурной площадкатнень благоустройства коряс.

Тонавтницятнень эсест вийсэ эряви теоме скамикат школань кардазонть, пиряккс тозонь, косо касыть чувтт, теоме цветнит, организоваме роботанть пришкольной участкатнесэ.

Сядодо ламо школасо улить юннатонь участкат, тозонь видеэ од культурат, кодат Мордовиясо икеле эзть видне, примеркс, кок-сагыз, хлопка, рис ды лиат.

Рыбинской районь Мамолаевской средней школань, Б.-Березниковской, Посопской ды ламо ля средней школань тонавтницят покш мельсэ ветить уход эсь участкатнень мельга, конат-несэ весе роботатнень тейнестэ ды тейнить сынсь эсь вийсэ, ветить растени-

ятнень касомаст мельга наблюдений.

Кизна тонавтницятнень икеле покш ды эрвикс теоме ашти учебно-наглядной пособиатнень витнемась ды од, простой учебно-наглядной пособианъ теомась школасо физиканъ, химиянъ, биологиянъ, математиканъ ды ляя кабинетнэнь. Тень пиягстэ эйкакштне тонадыть неть пособиатнень марто парсте обращатся ды вадрысто кармить сынст содамо.

Ютась иестэнтэ истямо робота уль-несэ минек республикань ламо школасо ды сон максыль покш результат. Тонавтницятнень вийсэ теезельть малав 200 прибор. Рузаевкасэ 38-це номер школань тонавтницятне тонавтнемань 1940—1941 иестэнтэ одс тейсть 21 прибор физической кабинетнэнь, иестят приборт школасонть икеле арасельть, примеркс: морзень действующей установка, токтнень невтемань прибор, эментростатической установка ды лиат.

Рузаевка велень средней школасонть арасель паровой машинань модель. Юной физиктнень кружокосъ сонсь тейсь истямо модель, мейле сонзэ роботанзэ невтнелть физикань уроксэ. Штобу эйкакштне кармавольть тей-

неме эсь школантень учебно-наглядной пособиат, тень кисэ эрживать простой столярной ды слесарной инструмент.

Кизнень шкастонть пек ламо тевть улить юной натуралистнэнь. Пришкольной участкасэ роботадонть башка эряви ветямс робота колхозной производствасяк.

Тонавтницятнень эряви пурнамс растениянъ гербарийть, насекомонь, почвоминералонъ ды породанъ коллекцият. Весе те карми улема тонавтнема иестэнтэ наглядной пособиакс. Тень коряс эряви саемс пример Рыбинской районь Мамолаевской средней школань эйкакштнень пельде, конат биологонть руководстванзо коряс биологической кабинетанть оборудовали учебно-наглядной пособиасо, конатнень пурнызь сынсь тонавтницятне.

Тедиде ламо школат ютавтыть туристической походт, штобу тонавтнемо эсь краенть. Неть походтне максыть пек покш материал, кона карми маштовомо тонавтнемань сы иестэнтэ. Тедэ башка, походтнэсэ эйкакштне тонадыть самостоятельной эрямос ды самообслуживанияс.

Общественно-полезной покш тев эйкакштне тейть колхозной молодняконть лангсо шэфетвань ветязь. Минек республикасонть лововить 3425 юной

шефть, сынст эйстэ 31 ломань кемекстазь тедиде велень хозяйстванъ Всесоюзной выставканть участниксэ. Эйкакштне аволь анык ветить уход скотинатнень мельга, сынъ истяжо ван-ныть подшефнойтнень касомаст ды справначист мельга, сень мельга, ко-дамо коромось ды кода лезды скотинанть касомавнень. Эряви теомс истя, штобу кизна седеяк ламо эйкакшт карма-вольть ветямо молодняконть лангсо шэфства.

Эряви седе смелстэ ды решительнойсэ аравтнемо тонавтницятнень икелев сложной, но сынст тонавтови-ця задакат школанть, пионерской ком-нататнень самообслуживаниянъ коряс. Эйкакштнень эряви организовамс сень, штобу эсь виест коряс тейне-вельть роботат колхозной производствасо, тонавтомс владеть аволь сложной столярной ды слесарной инструмент-нэсэ, роботамо велень хозяйстванъ сехте простой машинатнесэ. Практической роботасо эйкакштнень тонавтомс труде, трудонть вичкеме. Ейтнемс тест сень, што минек масторсо эрва кодамо роботась покш, эрвиксэ ды почетной.

Б. Бобров,

Юной техниктнень ды натуралист-нэнь республиканской станциянъ ди-ректор.





Минек календаренек

## В. Г. Белинский

«Свадаты сельменек минек нуцкатненъ ды сынст эйкакштненъ ланге, конатненъ сави неемс Россиянтъ 1940 иестъ — кона карми аштеме образованной мирентъ прывто, карми максеме законт наукантенъ, как ды конанъ карми вечкеменъ весе просвещенной человечествъ» (В. Белинский).

Июнень 13-це чистъ топодъ 130 ме В. Г. Белинскоень чачомадонзо мейле. Великий критикъ ды публицистъ Виссарион Григорьевич Белинский ульнесь вейкекс сеть аволь пек ламо мыслительнень эйст, конат кадеть а глядица след минек масторонь общественной мельтнень ды олякстоманть кис движениянь историйсонть. Сон ульсь русской литературной критикань основателекс, макссь соненъ научной теоретической база, васенцеке тешкстынзе русской литературанть историйно положениентень, конанъ значенияст кадовсть покшокс минек шкастонтькак.

Белинский невтинзе эсенъ замечательной статьясонзо алкуксонь смыслст, величияст ды значенияст истят писательтнень, кода Пушкин, Грибоедов, Лермонтов ды Гоголь. Сон воспитал русскои писателень цела плеяда, истят писательт, кода Кольцов, Некрасов, Тургенев, Гончаров, Григорович, Достоевский.

Шкась, конаньсэ эрьс ды роботас Белинский, ульнесь Россиянь историйсонть сехте мрачной эпохатнестэ вейкекс. Те ульнесь Николай I царствованиянь шка. Зярд сась престолс, Николай I лепштизе декабристнень востаниянтъ (1825 иестъ) ды тейсь масторсонть каторжной полицейской режим. Сон бажась истожамс коть-кодамо свободомыслиянь невтеманть.

Белинский апак сизе арсесь эсенъ отечестванть судьбанзо кувалт. Сон жаднойстэ усваивал западноевропейской мыслянь меельсэ валтнень, ютавтсь тевс сынст российской действительностэнтъ ды ёвтнесь эйстэст эсенъ статьятнестэ. Белинский бороцясь самодержавно-крепостнической строентъ каршо, бороцясь великой русской народонть счастьязонзо кис, сонъсэ культуранть кастамонзо кис, свободанть кис. Сон псисъ вечкизе эсенъ родиванть, эсенъ народонть ды кемь сонъсэ революционной победанть.

Правительстванть преследованиянтне, эрямонь стака условиянтне синдизь Белинскоень лавшо шумбрачинъс, ды сон кулось 37 иесъ.

Минек масторонь народнэ ловныть ды одс ловныть Белинскоень гениальной критической статьяно, конат нейгак служить од ломатнень воспитаниянь теветнень, тонавтыть литературань чарькодеманть, воспитывають художественной вкус, кармавтыть литературанть вечкеме.

## Европасо, Африкасо ды Азиясо войнась

(Июнень 13-це чистъ военной действиянтень дневник)

Июнень 13-це чинть каршо вестанть, пачтневи германской командованиянтъ сводкасонзо, легкой германской бомбардировщиктне тейсть налетт Южной ды Центральной Англиянь аэродромтнень ланге. Германской самолетнэ Святой Георгонь проливсэнтъ ваявтсь 4 английской вооруженной торговой суднат ды коласть ниле лия покш пароходт. Теке жо вестанть английской авиациянь покш соединения бомбардировинзе Рурской областень промышленной объектань (Германия). Ульнесь атаковаз истяжо Брестсэ (Франция) ды Антверпенсэ (Бельгия) доктне ды Роттердамонть маласо кой-кона объектнэ (Голландия).

\*\*\*

Меельсэ читнестэ пек виевгадсть военной действиянтне Средиземной морянь бассейнасонть. Пек ламо итальянской самолетт тейсть налет Мальтанть ланге. Английской авиациясь таго поывакшнось Родос островонть велькссэ. Кода пачтить американской агентствань корреспондентнэ, апак сода национальностень самолетонь эскадрилья июнень 12-це чинь валске ёртсь 5 бомбат гibraltarской крепостентъ ланге. Апак сода национальностень вейке самолетосъ колмокотъ поывакшнось Гибралтаронть велькссэ. Ловить, што те ульнесь французской самолет. Севернй Африкасо кодаткак покш операцият арасельть.

Абиссиниясо, кода пачтневи английской командованиянтъ сводкасонзо,

партизанской отряднэ саизь Лекенти ошонть, кона ашти главной кинть лангсо, кона моли Аддис-Аббесто запад ёнов. Сонъсэ ули покш значениязо Джимманть кружамонзо туртов, конань еще яла ванстыть итальянептнэ, конат те районсонть пурнасть зяряя войскаст ды продовольствия. Англичантнэ ней кружить Джимманть.

\*\*\*

Сириясо активной военной действиянт молишь фронтонь весе участкатнестэ. Рейтер агентстванть сообщениязо коряс, Дамасконть, эряви арсеме, кружить английской ды дегалевской войскастне. Американской корреспондентнэ пачтить, што неень шкастонть молишь переговоры те ошонть максомадонзо. Английской войскастне, конат молишь побережиянтъ кувалт, виев артиллерийской ды пулеметной подготовкдонть мейле, сайсть позицияз, конат панжтнеть ки Ливанонь территориянтъ ды Иордан леень долинанть потмо ёнов ютамонть туртов. Зяряя районтнэсэ французской войскастне отбили англичантнень атакаст.

Кавто английской мотомеханизированной колоннат, конат ветить наступления Иракето, саизь Эль-Хассейка важной пунктонть (иракско-сирийской границанть эйстэ 55 километрань таркас). Тосто англичантнэ анокстыть Алеппонть лангс наступлениянтень.

Германской авиациясь тейсь налет Кайфунть ланге (Палестина).

(ТАСС).

## „Норт Америкен Авиэйшн“ компаниянь заводсонть забастовканть прядовомась

Нью-Йорк, июнень 12-це чи. (ТАСС). Лос-Анжелоссто Юнайтед Прессань корреспондентанть пачтямонзо коряс, военной властне являвтсь, што «Норт Америкен Авиэйшн» компаниянь авиационной заводонь малав весе бастовица рабочейтне кармасть роботамо. Заводонь охраниясь эзь нолда роботас стачечной комитетань 7 члент. Забастовкань руководителтне решизь лоткавтомс забастовканть седе мейле, кода

войскастне пансизь пикетизаь заводской ортантень ваксето.

Кода пачти Юнайтед Пресс агентствань вашингтонской корреспондентасъ, морской министрасъ Ноке, авиационной заводонь азортнень группанть икеле кортазь, являвтсь, што «Норт Америкен Авиэйшн» компаниянь заводсонть стачкась грозясь оборонань программанть тевс ютавтоманть.

## Юной авиамоделистнэнь лексэс

## Коде теемс шар Монгольфьер

Монгольфьерэс — сех простой воздушной шар. Истя мерить тенъс секс, што васняк теизь сонъсэ Монгольфьер братнэ (1783 иестъ). Ней Монгольфьер шартнэсэ ломать а ливтнеть секс, што сон эрси пек опаснойке ливтямо шкасто пси воздухсо пештямстонзо. Истят аволь покш шартнэ а стака теемаст ды секс сынст эйсэ анокстыть юной авиамоделистнэ. Нетъ шартнэ ливтитъ а бераньстэ. 1941 пенъ февралень 24-це чистэ Саранск ошонь юной техникень центральной станциянь авиамоделистнэ нолдасть воздухсо Монгольфьер шар, кона 5 минутань перть ёмась пельтнестэ.

Истямо шаронть теемазон эряви ушодоме полосань шаблонотъ анокстамостонть. Штобу анокстамс шаблон, эряви муемс кеме конёв (маштови ташто газетаяк). Конёвонть клейсемс. Мейле сонъсэ кавтов мендямс кувалт ды кармамс шаблонань контурань тешкстнеме. Кода те тевесъ тееви, мендывозь конёвонть калавтомс мекев ды шаблоносъ анок. Мейле папиросань конёвонть клеятано 12 панкскс шаблонотъ кувалма ды келева. Конёв панкскетнень клеямс вепана, пси столярной клейсэ.

Клеязь панкскетнень путнемс вейкествейкест лангс ды мейле лангостот путомс шаблон ды сонъсэ кувалт васоньбеельсэ парсте керамсе, те шкастонть следямс сень мельга, штобу кадоволь запас шаблонань кромкатнень кавто ёнга 7—10 миллиметрат ставкстынъ туртов. Керсезь панкскетнень путнемс кавтонь-кавтонь ды саемс кавто вейс пүтозь конёвнеть, ваднемс клейсэ кромканть ды клеямс конёв панкскетнень.

Мейле минек лисить кавто клеязь панкскетъ, конат формань коряс кармить молеме венч ёнов. Мейле «венчнень» клейсемс вейс. Те тевентъ теемс вадрясто, штобу панкскетнень ютксо варят авольть кадово. Штобу кармамс клеямонзо меельце ставксонть, шаронть васняк эряви велявтомс ингиль ёндо. Теезь шаросъ те еще аволь анок. Вевр эряви клеямс папиросань конёвсто кружке, конань диаметразо улезэ 300 миллиметра. Алдо, штобу шаронь крайтне нолдамсто авольть сезневе, эряви клеямс кеме конёвсто теезь кружок. Костямс шаронть, клейсемс улике варятнень ды шаросъ анок ливтямо.



Рузаевской железнодорожной училищань тонавтициясь-отличникесь Л. Адамкин вадрясто тейни чертежт.

СНИМКАСОНТЬ: Л. Адамкин чертежонъ теетсэ.

Фотосъ Ю. Володинэнь.

## Московов, велень хозяйствань выставка

Шугурова велень Каганович лемсэ колхозонь колхозниктне мельспаросокортнекшнитъ, што весе Б.-Березниковской районсонть а муят сынст айгортонть-производителде седе вадря. Ды видеак, айгоросъ пек вадря ды справна. Вевр а стяко конюхосъ-стахановецъ С. Д. Арискин ялгась истя парсте, покш забота марто ветиль сонъсэ мельга уход. Шкастонзо симдилизе-андылизе, эрьва чистэ эйсэнь эурядыль.

Арискин ялгась тедице кемекстазь велень хозяйствань Всесоюзной выставкань участникес. Ды вана нетъ читнестэ сон айгоронть марто тусь Московов, выставкантень. Тосо ёвтнестэ, кода кастызе те айгоронть, кода ветиль мельганзо уход. Теде башка, Арискин ялгась тонавтнесы лия республикань, областень сех вадря конюхтнень роботамонь опытэст, штобу мейле седеяк парсте кармамс роботамо эсь вечкевикс тевэнтъ.

В. Аношкин.

Б.-Березниковской р-н.

Ней лиси вопрос — кода те шаронть нолдамс воздухсо. Теемс тол пандя истямо, штобу сонъсэ улель покш толгелезэ. Тень кис эряви кирвастемс коськеватка, нулат или конёвт ды валномс сынст керосинсэ.

Штобу шаросъ седе вадрясто пешке-девелъ пси воздухсо, тол пандянтъ те-емс ташто ведрас или специальной трубас, кона теезь тень кис. Кавто-колмо эйкакшт алце кольядо кирдитъ шаронть толонтъ велькссэ. Вейкесъ кирди верёвксонть. Зярд весе шаросъ пешкеди пси воздухсо, командань коряс шаронть кельстэ нолдыть, седе мейле сон карми куземе верев.

Эйкакшт, пионерской лагертнесэ кизна карматадо ютавтомс военной налксемат, тейдядо экскурсият-ды лият. Вана те Монгольфьер шарсонть можна тейнемс сигналт военной налксематнень шкасто. Секс эрьва тонавтициянень ды пионерэнтень эряви тонавтнемс истямо шаронъ тееме. Теемаанть коряс вешедэ лексэ Саранск ошонь юной техникень станциянтъ пельде.

С. Мишин,

Авиамоделизмань коряс инструктор. Саранск ош.

Отв. редакторсô А. ЩЕГЛОВ.